

ТЫВА РЕСПУБЛИКАНЫҢ УРУГЛАР СОЛУНУ



СЫЛДЫСЧЫГАШ

№ 23
(2886) Июнь
10
вторник 2008
чыл

1945 чылдың март 1-де үндезилеттинген.
1990 чылдың февраль 1-де катап тургустунган.

Хүннүн үнөри: 4.53; ажыры: 22.05
Хүн дуртунун узуну: 17.12
Айың үнөри: 15.48
Ажыры: 1.43

Солун вторник санында үнөр.
Садар өртээ дугуржулга езугаар.

СЫЛАМСТЫҢ ИДЭЭЛЭРИ

● Чаңгыс абзац-биле

ГРАНТ АЛЫР

2008 чылдың май айда Россия-ның Президентизи Дмитрий Медведев 2007 чылдың түннели-биле Россиянын культура яамызынын культура болгаш уран чүүл адырының илалы-биле бүгү нинти национал огаалдыкчы төлөвилелдерин деткийин-биле Россия Федерациязынын Президентизинин грантыларын тып-ыр дугайында айтышкыңа ат салын (№264). Тывадан салым-чаяанның инвалит уругларнын “Зов” чогаадыкчы лабораториязы “Күзелдер оттаныр” деп төлөвилели-биле тийикчилернин аразынче кирген.

ГРАН-ПРИ – ДОЛУМАДА

Май 31-де Эрзин кожууннун Нанн сумузунга “Алдын элезининин” 3-кү республика чергелиг мөөңин болуп эрткен. Анаа Гран-при инвалит Долума Чымбалак чаалап алган. Бирги чергенин лауреады Ифаэль Ензак, ийиги чергенин — Ичи Аракчаа (Эрзин), үшкү чергени — Майын-Маадыр Салчак (Кыт) болган.

РОССИЯ

● Олег СУВАКПИТ

Эртенги хүн чада туткан херелдери
Элбек улууң кускаптап-даа четтикпес-тир.
Хайнып турар, шапкын хем дег, ажыл-ижин
Кайын тура, аялга бооп, дыңналып тур.

Россия, Россия,
Дескешки дег күчү турбас,
Деми чаңгыс аймак чоннуг,
Ынакшылым оду-дур сен.

Черин кырын, хемин дүвүн, дээрин дүндүүн
Челээштелдир хувулдурган чараш-тыр сен.
Ишчи чоннун уран холу, угаан күжү
Ие сени алдаржыткан магалыг-дыр.

Россия, Россия,
Дескешки дег күчү турбас,
Деми чаңгыс аймак чоннуг,
Ынакшылым оду-дур сен.

Чыргал, тайбың, найыралдың, ынакшылдың
Чырык одаан мөңгежидир кыпсып тур сен.
Чамбы динти хосталгаже деткээн хүннү
Чалгыныңда салып алган ужуп ор сен.

Россия, Россия,
Дескешки дег күчү турбас,
Деми чаңгыс аймак чоннуг,
Ынакшылым оду-дур сен.

Байырлал-биле!



ЫЗЫЛ ХООРАЙГА ЭРТКЕН “МИНИ-МИСС-2008” МӨӨРЕЙНИҢ ДУГАЙЫНДА 2-ГИ АРЫНДАН НОМЧУҢАР, УРУТЛАР!



Чурукта: (солагай талазындан) “Мини-мисс-2007” Татарина Сат, “Мини-мисс-2008” Дая-Сай Байыр-оол, “Вице-мисс-2008” Долчаң-Тая Монгуш.

2008 чыл – Россия Федерациясында Өз-бүлө чылы

Малы дөтүшкү – это тасты звездочки: и светит, и радуют в темную ночь.
Русская народная пословица.

МӨӨРЕЙДЕН ФОТОЧУРУКТАР

“МИНИ-МИСС – 2008”

Шак мындыг аттыг, школа назыны четпээн 5-6 харлыг уруглар аразынга мөөрей сөөлгү чылдарда доктаамал эрттип турар апарган. Аңаа уругларның боттарының-даа, ада-иелериниң-даа идепкейлини аажок болуп турар.

Мөөрейниң баштайгы чадазы кожуун иштинге болуп эрттер. Аңаа тиелекчи болган чараш, талантылыг бичии уруглар Кызыл хоорайга кээп, бодунуң кожуунун төлээлеп, түннел мөөрейге киржир.

Бо чылын ниитизи-биле 19 уруглар аразында уран-талантызын, спортчу хандыкшылын көргүзүп, мөөрейге киришкенер. Маңаа демдеглексеп каар чүүл, киржикчи бүрүзүнүң идик-хевиниң бот-боттарынга дөмейлешпес каас-чаражы, тыва национал хептиң онзагай аянын тып турары.

Бичии кыстар сценага үнүп келгеш, хостуг чаңнап, чоргаар бараалгаарга чаражын, чаптанчыын! Оларның каас-чаражы залда олурганнарның сагыш-сеткилин доюлдуруп, оларга бир онзагай энергияны дамчыдып, хей-аъдын көдүрүп кээр турган боор дизе частырыг болбас боор.

Бо чылгы мөөрейниң бир солун кезээ — спорт талазы-биле номинацияны киригени болур. Аңаа уруглар спортка хандыкшылын көргүзүп, кижини бүрүзү бодунуу-биле спортчу шимчээшкиннерни күүсеткенер. Ынчалза-даа оларның барык-ла хөй кезин куржаг долгандырыг (обруч), лента болгаш бөмбүк-биле чаңгыс аай, дөмей кылдынглар күүседиринге өй болганы, бо талазы-биле киржикчи бүрүзүнүң эки белеткенмээнин херечилеп турар.

Бичии уругларның уран-талантызы бир онзагай. Оларның күүсеткен оюн-көргүзүглерин кижини көрүп-ле оруксаазы кээр. Бо удаада мөөрейниң киржикчилери “Талант” деп номинацияга хөй нургулайында танцы-самны көргүскенер: сценага оларның күүселдези-биле “Восточный танец”, “Чайлагда”, “Оргаадай”, “Алан-Тос”, испан, узбек дээш хөй-ле танцыларны ойнаан. А ырылар күүсеткен уруглар чүге-ле ийик бижидип каан-биле эвес, а көңүс өске үнерге боттарының ырыларын күүсеткени хомуданчыг болган.

Түннелинде, үстүнде адааным чамдык четпестер турза-даа, мөөрейниң киржикчилери шылгалданы эртип шыдааннар. Кандыг-даа мөөрейге шылгарааннар үнүп кээр. Жюри кежигүннериниң үндүрген түннели-биле тиелекчилерин илередип, шаңналдарны тывыскан. Киржикчи бүрүзү белектерлиг чанган.


Александр ШОЮН, мөөрейниң жюри кежигүнү.

МӨӨРЕЙГЕ ШЫЛГАРААННАР

- Дээди шаңнал “Мини-Мисс-2008” —
Дая-Сай Байыр-оол (Улуг-Хем кожуун).
- “Вице-Мисс-2008” —
Долчаң-Тая Монгуш (Өвүр кожуун).
- “Мисс-Спорт” —
Саглай Чинмит (Тес-Хем кожуун).
- “Мисс-Талант” —
Даяна Топулак (Кызыл хоорай).
- “Мисс-национал костюм” —
Алдын-Сай Салчак (Барыын-Хемчик кожуун).
- “Мисс-удача” —
Арина Бусырева (Кызыл хоорай).
- “Мисс-приз зрительских симпатий” —
Даң-Хая Куулар (Кызыл хоорай).

Мөөрейниң бир деткикчизи “Сылдысчыгаш” уруглар солуну

Республиканың “Сылдысчыгаш” уруглар солуну “Мини-Мисс” мөөрейинге доктаамал деткикчилер бодунуң шаңналдарын тыпсып турар. Бо удаада уруглар солунунуң шаңналдарында: өртектиг шаңнал — Барыын-Хемчик кожуундан келген чараш кыс Алдын-Сай Салчак; “Сылдысчыгаш” солунунуң 200 чылдың ийиги чартында чагыдылга-биле — Чөөн-Хемчик кожуундан киржиң келген чараш кыс Анастасия Кара-Сал олар төлөптүг болганнар.



ТРДК им. К



ӨГ-БҮПЕ НОМЧУПАЗЫНЫҢ
АРЫНЫ

КОНГУЛУУР

Чечен чогаал
арны

Читающая наука создается из читающих детей. А читающие дети — из читающих семей.
Журнал "Семейного чтения". №1 2004.

Чтение — это одно из истоков мышления и умственного развития.

В.А.Сухомлинский.

Демир-үжүк шенелдези



Таныжыңар:
"Салгал" аттыг чечен-
чогаал бөлгүмү

Өвүр кожуунун Дус-Даг ортумак школазында С.А.Сарыг-оол аттыг литература - төөгүлүг музейин чанында ажылдап турар. Бөлгүмүрден "Салгал" аттыг чечен чогаал бөлгүмүнде чылдан чылче сонунургалдыг уругларның саны өзүп турар. Бөлгүмүнү школада тыва кыла, чогаал башкызы Седен Светлана Очут-ооловна хөй чылдарда туртуп келген. Бөлгүмден үнген уруглар чогаал, төөгү талазы-биле талантышкынның өөрөдилге черлеринче хөйү-биле дужаап, өөренип кырип, шулукчулер апаргылааны кайы хөй. Оларга Норбу Орлан, Санаа Россияна, Монгуш Таймир, Донгак Каң-Демир, Монгуш Айнаш, Шериг херээ эрттирип турар Аир-Санаа Шолбан дээш доозукчуларны хөйү-биле адап болур. Амгы үеде бөлгүмүнү киржикчилери уруглар кожуун, республика чергелиг литературлуг конкурстар, уран номчулгалар, эртем-шинчилел конференцияларынга, уран чүүл кыруулдеринге илдекейлиг кырип, шаңналдыг черлерин доктаамал и турары өөрүнчүг. Оларга Чымбалак Сырга, Бады-Суур Менги, Кыргыс Ай-кыс, Осурбай Шончалай, Керттик-оол Аликмаа оларны кылаарыштырып болур. Ол бөлгүмде уругларның чогааткан чамдык шүдүктерин мында чырыттывыс.

Школавыс

Уругларның уязы боор
Улуг чараш школавыс.
Эртенге-не бистерге
Экин ажык школавыс.
Чыгыс чараш школавыс
Кажанда-даа утгундурбас.
Школаны доозупкаш,
Улам сактып артар бис.

Шолбана КЫРГЫС,
6 класс.

Кадыгбайпар

Кадарчылар хонаштары кайы көвей
Кадыгбайлар кайыын тура көстүп туру.
Кырган-авам аалынга чеде бергеш,
Кадырларга өшкү, хоюн кадарар мен.
Унун дургаар оолдар шуушкан.
Улуг, биче Кадыгбайлар солун оран.
Өгбелернин бурун шагдан чурту болган
Өвүр черде Кадыгбайга келиңер даан!

Эртинге КУУЛАР,
9 класс.

Тывызыксыг чараш кыс

Тыва кадай төрүп каан,
Тывызыксыг чараш уруг.
Делегейге алдаржаан дег,
Танып, номчуп билип алдым.

Тулган диген чуруктарын
Тураскаалга арттырып каан.
Космостун делгеминден
Хөй-хөй чурттар чону көргөн.

Тывавыстың база-ла бир
Төгүзүнде ады кирген

Алдар-аттыг, танцы-самныг
Ажыкмаа - Рушева авазы ол.

Дүне кады өрү көргөш,
Дүү-ле бир чырып турар
Чайнаан от дег сылдыстарда
Чараш Надя чайнап туру.

Чурукчу кыс Надя-биле
Чугаалажып көрбээн-даа бол,
Делгеп аскан чуруктардан
Дендии хөйүн билип алдым.

Аликмаа КЕРТИК-ООЛ,
5 "а" класс.

Клазымның он бир оглу

Салым-чолдун аайы-биле
Чангыс класска өзүп келген.
Кызымаккай эрес-хөглүг
Клазымның оолдары.

Кышкы, чайгы спорттарга
Кымнарда-даа чыда калбас,
Хол бөмбүү, хүреш дээштин
Хоббилери кайы көвей.

Салым-чаяан сонунургалын
Салаа базып санап боор мен.
Айттар мунар Алдын-Сай мөге,
Чечен сөстүг Чаян мөге,

Холу дыңзыг Кежик мөге,
Мангыр дүрген Маадыр мөге,
Талантылыг Далай Меңги,
Чуруур, бижиір Чингис — оолдар.

Топтуг, томаанныг Донгак Херел,
Холу шевер ховар Омак,
Дендии солун Тежик Айдыс,
Салымның номчукчу Саид олар
Төрээн чуртун алдаржыдар
Төлөптүглер өзүп орлар.

Ай-кыс КЫРГЫС,
8 "а" класс.

6 Июнь 15 — Эмнелге ажылдакчызының хүнү

КАДЫЫВЫСТЫҢ КАДАГАПАКЧЫПАРЫ

маларга эмнедип, оларга чүдүп-тей-
леп чораан болгай.

Чоорту медицина эртемче шил-
чип эгелээн. Эмнээшкин ажылын
хуулгазын чүүл эвес, а эртем-дир деп
санап чораан бурун шагның эң-не
сурагыг эмчизин Гиппократ дээр.
Бо эң-не баштайгы эмчи деп санат-
тынып болур эмнекчи Кос деп грек
ортулукка төртүтүнгөн. Ону амгы
үеде «Медицинаның адазы» деп база
адап турар. Гиппократ аарыгны бур-
ганнар чорудуп турар эвес, а анаа
язызы-бүрү чылдагааннар ужуу тып-
тып турар деп бадыткап чораан. Оон
ангыда, Гиппократ язы-бүрү аа-
рыгларның им-демдектерин база
оларны эмнээр аргаларның дугайында
бижимел демдегелдерин кылып
чораан бир дугаар эмнекчи болуп
турары-биле онзагай. Гиппократ эм-
чи кижиниң дангыраан чогааткан.
Ынчангаш амгы хүннерде бистин
чуртувуста эмчилер ажылдаар мур-
нунда Гиппократтың дангыраан ху-
лээп алып ужурулуг. Ол дангырактың
кол утказы — аарыг кижиниң кадыы
дээш бодун бүрүнү-биле өргүүрү.

Гиппократтың соонда каш чус
чыл эрткенде Гален деп база-ла грек
эмчи эмнээшкин-биле холбашкан эр-

тем шинчилелдерин чорудуп турган.
Ол шинчилелдериниң түннелдери-би-
ле анатомия азы кижиниң мага-боду-
нун тургузуунун дугайында номну би-
жи каан. Галенин анатомиязын эм-
чилер каш-каш чус чылдар дургузунда
ажылап келгени кайгамчык. Ук ана-
томияда бижиттинген чүүлдерин сөө-
лүде өске эмчи эртемденнер чаартып,
өскерттип келген-даа болза, ук ном ам-
гы анатомия эртемниниң эгезин салган
деп болур. Ынчангаш бо ийи бурунгу
грек эмчилер медицина эртемниниң
эгелекчилери деп санаттырып чоруур.

Дыка хөй аарыгларны кезип эм-
нээр болур болгай. А кезип эмнээр
эртемни хирургия дээр деп бириңер
чугаажок. Ортаа вектерде кезер
операцияларны цирюльнигтер азы
сал чүлүүр, баш таарар кижилер
(баштайгы парикмахерлер) кылып
турганы кайгамчык. Ынчап кээрге,
кезер эмчилер парикмахер ажылын
база күүседип турган болуп турар-
дыр. А хирургия эртемниниң үндөз-
лекчизи кылдыр 16 векте чурттап чо-
раан француз эмчи Амбруаз Парени
санап турар. Бо эмчи Францияның 4
хааннарының цирюльниги болуп
чораан. Амбруаз Парен амгы үеде бестин
ажылаттынып турар элээн каш хирур-

гия черекселдерин чогаалдып кылган.

19 векте кезип эмнээрде кижини
аарышкы билбес кылдыр кылып алы-
рының дугайында айтырыг тургус-
туруп келген турган. Бо айтырыгга
харыыны 1846 чылда англи дини эм-
чизи Уильям Мортон тышкан. Ол би-
линместедир эмни ажиткан.

Амгы үеде туберкулез дээш өске-
даа айыылдыг аарыгларны рентген
черекселдериниң дузазы-биле тода-
радып тып каап апарган болгай. А
ол рентген деп сөстүң кайыын тып-
тып келгенин билир силер бе? Ол сөс
немец физик эртемден Вильгельм
Рентгенниң ады-биле дорт холбаш-
кан. Ол 1895 чылда электричество-
биле дуржулга кылып тургаш, кижини
сөөктеринден ангыда эът мага-
бодун өде бээр херелдерин көрүп
каан. Ол херелдерни эмнээшкин ажы-
лынга ажыглай берген болгаш олар-
ның дузазы-биле кижиниң мага-бо-
дунда чүү болуп турарын тодарадып
каап болуп апарган.

Бо дээрге кижилерниң кадыын
камгалаар буянның ажылыг улуг үлүг-
хуузу кириген кижилерниң чүгле
чамдыгы-дыр. Херек кырында бистин
кадыкшылывыс камгалаары-биле
буянның ажылыг чорудуп келген, ам-
даа чорудуп турар кижилер дыка хөй.
Оларның шуптузунга «Четтирдывис»
деп мөгейип каалынар, уруглар.

Надежда САТ.

Июнь айның үш дугаар улуг-хү-
нүде Россияның болгаш Белорус-
сияның эмнеде ажылдакчылары бот-
тарынын профессионал байырлалы
— Эмнелге ажылдакчызының хүнүн
ажылаттып эрттирер деп билир силер
бе? Бо чылын ол байырлал июнь 15-
ге болур-дур. Делегейде эң-не буян-
ныг мергежил — аарыг улуска дуза
кадар хүлээлгелиг улустуң сеткилин
көртүрү база буянның херек болур.
Ынчангаш бо хүн эмнелгеде ажыл-
дап турар таныыр улuzuнарың шуп-
тузунга байыр чедирерин утпаңар,
уруглар. Ам силерге эмчи мергежил-
дин кажан, канчап тыттып келгени-
н дугайында каксы сонунургадырын
аралдажыйн.

Эмчи дээрге аарыгларны баш
бурунгаар болдурбас дээш кемчеглер
ашыр, а бар аарыгларны тодарадыр
болгаш эмнээр ажылды чорудар
дээш эртемниг специалист болур.
Эмчи мергежил эң-не бурунгу мер-
гежилдеринң бирээзи. Бурун шагда
эмнээшкин ажылы чүдүлге-биле сы-
рый холбашкан турган. Бурунгу кү-
ннелериниң чурттакчылары аарыгны
ажылаттыр бурганнар кандыг-ла-бир
буруу дээш чорудуп бээр деп бү-
рүрээр турган. Ынчангаш аарыглар
эмнеп шыдаар кижилерни хуулга-
зын, бурганнар-биле харылзажы-
лап кижилер деп санаар, оларга
чүдүр турган. Тывалар база хам-ла-


● Спорт ● Спорт ● Спорт

● Спорт ● Спорт ● Спорт

БИРГИ ОЛИМПИЙ ОЮННАРЫ

Уруглар камгалаалынын хунууге тураскааткан хей санныг янзы-бүрү хемчеглер, мөөрейлер, оюннар найысылгал Кызылга бедик деңгелге эрткен. Оларның аразындан көскү чери хоорай школарының 1-ги болгаш 2-ги класстарының өөреникчилеринин киржилгези-биле эрткен хоорайның уругларының 1-ги олимпий оюннары ээлеп турар.

Анаа хоорай школарындан 16 команда киришкен. Марш аялгазының үделгези-биле командалар тренерлери-биле Олимпийжи оттуң чанынга чыскаалыпканнар. Олимпий оюннарының кол режиссеру Айлаана Чадамбаның тывызык, чогаалчы тургус-



Хүрештин тилекчилери: Азиат Куулар (школа-гимназия №5) - шүүлген, Мergen Ооржак (№3 школа) - үжүрлөшкен, Уран-Херел Монгуш (школа-гимназия №5) биле Болат Дотпаа (Сесерлиг школазы).

Оон соонда янзы-бүрү спортчу оюннарға мар-

а Мergen Ооржак (№3 школа) үжүрлөшкен. Үшкү чери Уран-Херел Монгуш (школа-гимназия №5) биле Болат Дотпаа (Сесерлиг школазы) олар үлөшкеннер.

Олимпий оюннарын бичи уругларның асфальтыга чураан "О спорт, сен - тайбың сен!" деп кыйгырыг адаа-биле эрткен чуруктар мөөрейи хаастаан.

Уругларның чайгы дыштанылганының кидинтүлүк эгелеп турар хуннери шак мындыг спортчу хем-




каны-биле киржикчилер болгаш көрүкчүлөр шаандагы Грецияның делегейинче шымнып кирип, Олимпий оюннарының онзагай төөгүзү-биле таныжып, солун аян-чорукту кылганнар.

Сценаны долгандыр Грецияның дуганнарының колонналарын тургускан. Ону долгандыр байырлалдың хамык хемчеглери эрткен.

Олимпийжи отту алдар мемориалының Мөнгө одундан кывыскан. Ол отту тудуп алгаш хоорай школарының шылгараан спортчулары тренерлери-биле Национал парк аксында манап чоруткан, Ленин, Чүдүм, Кызыл партизан кудумчулааш, 5 чыл атыг стадионга чедип келгенер. Оларны Тываның аялдарлыг спортчулары, Олимпий оюннарының Атлантага, Афиньга киржикчилери — Лориса Ооржак, Чечен-оол Монгуш болгаш Елена Достай олар уткуп алганнар.

Олимпиаданың тугун көдүргөн, олимпийжи отту кывыскан. Бичи спортчулар тускай олимпийжи дангыракты хүлээп алган.



гылдаалар болуп эрткен. Түннелинде бичи спортчулар аразынга тилекчилер эндерик болган. Командалар аразынга эң эки спортчу көргүзүглерин чедип алгаш, Кызылдың №5 школа-гимназиязы тилээ. Ийги, үшкү черлерге Кызылдың №9 школа-гимназиязы биле Кызылдың №4 школа төлөтпиг болган.

Бо Олимпий оюннарынга хоорай школарының 1, 2 класстарының оолдарының аразынга эрткен тыва хүреш солун болган. Боттарының барла аргаларын ажыглап тургаш, оолдар шыырак хүрешкен. Бо хүрештин шылгараан начиннары Азиат Куулар (школа-гимназия №5) — шүүлген,

чеглер-биле байлак болуп, оларның дыштанылгасы мага-боттарынга кадыкшылды быжыглап, солун ажыктыг эрттерин магадылап турар.

Бистиң корр.

БИСТИН КАЛЕПДАРЫВЫС

Июнь

● 11 — Россияның Журналистер, Тываның Чогаалчылар эвилелдеринин кижигүну, шүлүкчу Мадон Балдыжыкович Монгуш 70 харлаан.

● 12 — Россия хүнү.

● 14 — Бүгү-Делегейин донон хүнү.

● 15 — Медицина ажылдакчыларының хүнү.


— Тыва Республиканың культуразының алдарлыг ажылдакчызы, артист, композитор Александр Салчакович Лактан (1918-1981) 90 харлап турган.

— Тыва Республиканың улустун артизи Александр Сүлдемович Тавакай (1923-1997) 85 харлап турган.



СОДАА, ТЫП, СОДАА ИЯГ!

Чурукта беш адыр сылдыстар биле кадырларның кайызы хөйдүр тывыңарам, уруглар?



СЫЛДЫСЧЫГАШ

"Океан-97" Бүгү Россия фестивалының дипломантызы, "Чонар-даш-2004" республика конкурсуунуң лауреады, Россияның Журналистер Эвилелинин дипломантызы.

Кол редактор Александр ШОЮН

Редакцияның адреси: 667000, Тыва Республика, Кызыл, Красноармейская кудумчуу, 100. Паралла-га бажыны, 4-кү калт, кабинеттер 75, 76, 77, 79.

Индекси 10013.

Тираж 3821 экз.

Чагыт №140.

Россия Федерациязының Парлаага, телерадиоам-чыдылга болгаш массалыг коммуникация херектеринин талазы-биле яамыны Ортаагы Сибирьде регионнар аразынын девискээр эргелеи "Сылдысчыгаш" солуну бүртүккэн. Херечилели — Т-00015.

Солуну ТР-тин "Тыянополиграф" хуруссин унитарлыг бугурулушунга парлан. (Кызыл, Щетинкина-Кравченко, 1) Парлаагаже дужаар: график эзугаар понедельникте

Тургузукчулары: Тыва Республиканың парлаага болгаш ин-формация талазы-биле куруне комитети. Тыва Республиканың инти болгаш профессионал өөредилге яамызы.

ФАКС 8(394) 22-2-06-17. Телефоннары: Ко-редактору — 2-06-17. Секретарь — 3-17-80. Килдистер — 3-17-87. Бухгалтерияны — 3-17-80.

10 шакта. Херек кырында понедельникте 9.00 шакта Редакция бижимел чүүлдерге, тырттыргаш, чораан чуруктарга, шүлүк болгаш проза могаалдарына сайгарыгга кылбас болгаш оларны эзлериңе делгээтпес, авторлар-биле чыгалажыгга чорутпас.

Солуну РФ-тин парлаага болгаш массалыг коммуникация херектеринин талазы-биле Агем-тигелиниң деткимчези-биле үндүрүп турар.